

Méisproochegkeet liewen

Kanner encouragéieren!



Handlungsbegleedend Schwätzen

Benennt Gefiller a Géigestänn an de Gespräicher mat hinnen a versicht hir an Är Handlung sproochlech ze begleeden. Sidd e méisproochegt Virbild fir d’Kanner an dréckt lech, wann néideg a méiglech, och an hire Familljesproochen aus.

Iwwert d’„handlungsbegleedend Schwätzen“ erméiglecht Dir de Kanner, op eng spilleresch Aart a Weis, Wieder a Sätz direkt mat hiren Handlungen ze verbannen.



Oppe Froen

Gitt de Kanner d’Méiglechkeet hir Sproochen ze benotzen an auszeprobéieren. Stellt hinnen oppe Froen (wien, wéi, wou, wat, wisou) a bannt d’Kanner iwwert dëse Wee aktiv an d’Gespräicher an.

Mat „oppene Froen“ erméiglecht Dir de Kanner hir eege Gedanke sproochlech auszudrücken an ënnerstëtzt si domadder am Opbau vun hirem Wuertschatz.



Korrektive Feedback

Gitt de Kanner d’Gefill verstanen ze ginn. Gräift „verkierzt“ oder „feelerhaft“ Wieder oder Sätz vun de Kanner op a widerhuelst dës a voller Längt an ouni Feeler, ouni d’Kanner direkt ze verbesseren.

Iwwert de „korrektive Feedback“ bleift Dir mat de Kanner am Gespräch ouni dass Dir si an hirem Sproochegebrauch veronséichert. Doriwwer eraus drot Dir zur permanenter Erweiterung vun hirem Sproochegebrauch a Wuertschatz bäi.



Wäertschätze vun de Familljesproochen

Wäertschätzt an ënnerstëtzt d’Familljesproochen vun de Kanner. Dës spillen eng zentral Roll fir de Kanner hir sozio-emotional Entwécklung a fir d’Opbau vun alle weidere sproochleche Fäegkeeten.

Weist lech sproochentolerant. Iwwert d’Opgräfte vun de Familljesproochen gitt Dir de Kanner Halt a Sécherheet.



Kontakt mat der lëtzebuergescher a franséischer Sprooch

Bitt de Kanner d’Méiglechkeet vun engem natierlechen an entspaante Kontakt mat der lëtzebuergescher a franséischer Sprooch. Schaaft spilleresch Situatiounen, déi méiglechst no um Alldag sinn an an deenen d’Kanner vu béide Sproochen profitéiere kënnen.

Iwwert dësen natierlechen Kontakt mat de Sproochen hëllef Dir de Kanner sech besser fir d’Méisproocheg Schoul a Gesellschaft zu Lëtzebuerg virzebereeden.

